



MINISTER URSELL ARENDS: ESFUERSONAN DEN COLABORACION PA REMEDIA DUMP ILEGAL NA MATADERA

**DOW TA BASHANDO
ASFALT RIBA
CARETERANAN CU
NO TIN PRIORIDAD**


**GOBIERNO TA PERCURA P'ESAKI
AZV NO TA CUBRI GASTO
DI PERSONANAN
INDOCUMENTA PERO A COSTA
HUSTICIA CASI 1 MIYON**

**IR. EDWIN JACOBS (AZV)
A PRESENTA OTRO
CUADRO PA REEMPLASA
RECORTE DI 60 MIYON
FLORIN NA HULANDA**



Beneficio di impuesto atractivo cu
Guardian Group su **Plan Personal di
Pensioen** pa Empresario.

Click here! 




The #1 Payroll & HRM Software in the Caribbean



- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies incl. Government

Tel. 583-7072 | info@vcc-int.com | www.vcc-int.com



VCC
International NV

**REAL SOFTWARE
REAL SUPPORT**
www.vcc-int.com

DOW ta bashando asfalt riba careteranan cu no tin prioridad

En realidad gobierno hunto cu DOW mes ta dunando indicacion cu un eleccion adelante ta cerca, ya cu realmente tin careteranan cu no ta prioridad na e momento aki, lagando otronan den super mal estado, ta sigui ta un problema pa tanto sector comercial como ciudadanonan.

E caretera di Barcadera for di WEB Aruba NV te cu dump, a yega di pone asfalt nobo dilanti di e edificio di DTI te cu banda di ATCO NV pero resto di caretera ta den un estado deplorable.

Ta un caretera cu hopi hende ta uza tanto den oranan di mainta y den oranan di atardi ora cu caba cu trabou, mientras cu di parti di comercio, ta un caminda cu ta ser uza pa busca c y hiba carga pa e waf na Barcadera.

Fuera di esaki tin e caretera dilanti di hotelnan grandi cu ta den super mal estado pero aparentemente e producto turistico no ta importante na e momentonan aki, ya cu ta muestra cu loke ta importante ta e interes politico di un gobierno cu simplemente no tin pueblo na pecho.


Ta for di algun tempo caba tin indicacion cu den e coalicion actual cosnan no ta mucho bon y c'un ora pa otro por spera cu gabinete Wever Croes II lo por bay cas y eleccion nobo lo wordo yama prome cu tempo.

Esaki ta notabel ya cu DOW ta kitando caba di careteranan cu no ta den un estado asina malo den e bario di Santa Cruz caminda e siman aki a dicidi di drecha e pida caminda for di e Centro di MEP bay zuid direccion di Barcadera cu sin duda no tabata den un estado cu a rekeri e cambio aki.

A drecha caba parti di LG Smith Boulevard for di oficina di APA bay abou pero ta un pida so a drecha pero pa un motibo of otro, DOW no tin nocion di kico ta prioridad pa pueblo of pa comercio of pa turismo.

Tin e bario di Sta Cruz hasta e pone careteranan di asfalt nobo cu no ta camindanan cu ta wordo uza mucho hopi, cual tambe merece di haya asfalt pero tin otro casonan caminda tin mas necesidad di asfalta nobo cu e escogencianan di DOW y loke ta muestra tambe necesidad di gobierno actual.

E situacion aki ta bolbe confirma un vision totalmente bruha di un gobierno cu for di 2017 no tin vision caminda e interes general di pueblo ta wordo atendi ya cu por a nota diaranson ultimo caminda gobierno a informa cu apesar di e situacion critico rond di Bubaliplas, cu planta di purificacion di awa di riool, por lo pronto lo no wordo resolvi y cu lo dura mas tempo pa esaki keda cla.



Apesar cu riba presupuesto 2022 a pone miyones pa atende cu e planta aki y asina no sigui perhudica estadia di turistanan den hotelnan grandi, mas despues a dicidi di kita esaki pa asina cumpli cu loke a firma cu Hulanda pa drecha e situacion financiero di gobierno.

Prioridadnan robes cu ta bolbe demostra cu Aruba tin un gobierno cu no a gobernando pa bienestar di e pais pero mas tanto pa su hendenan, sigur awor cu ta papiando di un eleccion adelanta atrobe.

Gobierno ta percura p'esaki

AZV no ta cubri gasto di personanan indocumenta pero a costa Husticia casi 1 milyon

Algo cu tur aña y ta tende regularmente kisas den medio-nan social, ta cu AZV lo ta cubri gasto pa ilegal, etc. cual no t'e caso, segun director di AZV, ir. Edwin Jacobs.

AZV ta brinda gobierno dos servicio, cual ta entre otro na momento cu tin un persona indocumenta ta den un situacion di bida of morto y tin cu bay den exterior pa tratamiento medico, ta percura p'e traslado y hospitalisacion tuma luga y esey ta cobra Ministerio di Husticia p'esaki. Aña pasa e tabata na 896 mil florin y gobierno ta pasa AZV riba esaki.

AZV tambe ta ehecuta e pakete di seguro cu gobierno tin pa su trahadonan y p'esunnan cu ta 'gelijkgesteld' n'e empleadonan publico, AZV ta ehecuta e pakete aki, cual ta un seguro di gobierno adicional p'e trahadonan.

Gobierno a paga AZV aña pasa 4 milyon florin p'e servicio aki. Ta importante pa tene cuenta cu esaki pasobra regularmente ta haya cu ta crea e impresion cu e gastonan di AZV ta inclui e dos gastonan aki y esaki no t'asina, ya cu gobierno ta paga esakinan apart na AZV.

ir. Edwin Jacobs

AZV tin varios proyecto pendiente pa 2023



AZV ta trahando riba e cuadro financiero multianual, cual ta un proyecto sumamente grandi, cu su base ta un modelo pa proyecta gasto di salud. Segun director di AZV, Edwin Jacobs, pa promebiaha e ta wordo traha na Aruba, p'asina tin den castur dato cu tin mester y esaki ta tumando su tempo.

A forma un comision di experto paden y pafo di AZV. Tambe nan a forma un grupo cu yama Klankbordgroep, un grupo cu ta monitor e modelo aki cu ta indica cu ta riba bon caminda. Ora cu ta traha un modelo ta haci diferente suposicion. Tambe ta sigui traha riba fortificacion riba cuidu di promeliña, unda cu por a mira un desaroyo caminda cu a habri e centro di dokter di cas (HOED).

MAS ACCESO NA CUIDO

Proximamente na ImSan tambe ta habriendo uno y tin mas desaroyo. Por mira cu p'e proximo añanan AZV kier impulsa y promove pa forma tipo di centro aki cu lo tin cu bay percura pa un ampliacion pa un miho acceso na cuidu, door di ampliacion di ora. No solamente di 8:00 am pa 4:00 pm, pero mas ora, p'asina baha e presion riba emergencia di hospital y ImSan.

ImSan tambe lo ta habriendo e 'huisartsenpost', manera cu tin na Hospital. Tur esey den cuadro pa fortifica e cuidu di promeliña.

NEDERLANDSE ZORG AUTORITEIT

Ta den introduccion di tarifa di NZA (Nederlandse Zorg Autoriteit) p'e laboratorionan, conforme mercado. Ta spera cu p'e proximo lunanan cu esaki lo keda introduccion. Ta den trayecto tambe pa intensiva e cooperacion entre ImSan y Hospital.

Tambe por ultimo AZV ta bezig cu destaho publico pa cuidu den exterior. Cu esaki pa percura pa fortifica mas ainda e cuidu y reduci e dianan di espera na Colombia. Ta den un trayecto caba di mehoracion, caminda cu ta screen pashent di riesgo prome cu nan yega Colombia.

AZV tabatin e situacion caminda e pashentnan di riesgo ta yega Colombia y no ta cla pa haya tratamiento. E ora tin di estabilisa e condicion dje pashent, pa despues e ricibi tratamiento, cu ta hay'e despues pa keda dos pa tres siman extra pa haya remedi pa por estabilisa su situacion.

FORTIFICACION DI PROME LIÑA

Loke AZV ta bezig cu ne tambe den cuadro di fortificacion di promeliña, cu un evaluacion di accesibilidad di dokter di cas p'e aseguradonan y sostene e dokternan di cas pa mehora esaki.

Esaki ta den cuadro di un rapport traha na 2019, cu a duna diferente recomendacion.

Lo bay cuminsa cu un campaña pa por promove y atende e aseguradonan riba e responsabilidad cu nan tin pa sigui tratamiento. E no seguimiento di tratamiento ta causa hopi iritacion den e sector, ya cu na final di dia ta causa mas daño p'e aseguradonan.

ir. Edwin Jacobs (AZV)

A presenta otro cuadro pa reemplasa recorte di 60 miyon florin na Hulanda

E condicion cu tin cu cumpli cu ne cual t'e reduccion di 60 miyon florin den cuadro di e fianstanan di e ayudo di likides di Hulanda, aña pasa AZV a logra yega na 41.5 miyon florin, segun director di AZV, ir. Edwin Jacobs, a bisa durante un rueda di prensa, caminda cu a presenta nan presupuesto anual.

No ta yega n'e 60 miyon manera cu a indica den diferente ocasion caba. A presenta si nan analisis na gobierno y na CFT, caminda cu a mostra cu basicamente no tin espacio pa recorte structural grandi den e sector.

Cada recorte aworaki cu lo realisa ta exige asina tanto esfuerso cu ta puntra si ta bal la pena tur e esfuerso gran-

dinan ey y na su luga e ora AZV a presenta e cuadro financiero multianual, cual gobierno a encarga AZV cu e tarea pa desaroya esaki. Esaki ta den desaroyo pa wordo mostra na Hulanda pa reemplasa e acuerdo di e condicion di 60 miyon florin.

Na final di dia e meta ta controla y canalisa e crecimiento di gasto den e proximo añanan. Sesenta miyon tabata un forma cu por a logra algo asina, pero tambe un cuadro financiero multianual tambe ta duna e mesun instrumento.

Cambia instrumento, pero cu e mesun meta. Esey t'e intencion, segun Jacobs. Un instrumento cu ta bay yuda mucho mas cu e 60 miyon cu a kere cu lo a yega e limite.

Inflacion cu gobierno no ta mira

Kitchen Towels a aumenta barbaramente sin hustificacion

Gobierno no ta canando caminda pueblo ta canando, no ta cumprando caminda pueblo ta cumprando y simplemente no tin interes pa atende cu abusanan cu pueblo ta confrontando tur dia.

No solamente inflacion ta sigui suta tur hende no solamente dor di desaroyonan internacional pero mas tanto pa un desaroyo comercial aki na Aruba caminda ta bisto cu tin comerciantenan kier recupera loke a perde durante di pandemia, dor di forsa pueblo paga loke nan ta pidi pa un of otro producto.

Aruba ta un di e paisnan cu mas lihe a reacciona for di e crisis di pandemia tanto den Caribe como rond mundo pero aparentemente pueblo ta e unico cu tin cu sigui coba te den fondo di su cartera, pa salba un economia cu ta e mesun pueblo aki semper a carga.

Pa falta di control riba prijsnan den supermercado y otro tiendanan, consumidonan ta sigui wordo confronta cu aumento di productonan semanalmente y ta mostra cu asina clientenan cuminsa



cumpra un producto cual tanto prijs y calidad ta cumbini nan financieramente, e productonan ta wordo aumenta den un forma barbaro.

Un ehempel ta un producto manera "kitchen towels" caminda cierto marca tabata bende un rol so pa un prijs di 2.25 florin y mesun producto aki, e cliente ta paga un suma di 3.45 florin na momento di compra un paki di dos rol.

Pues clientenan ta compra mas tanto e paki di dos rol ya cu e ora esaki ta costa 1.74 pa rol na luga di 2.25, pues ta un oferta hopi bentahoso sin duda pa consumidonan.

Sinembargo pa un motibo of otro, e representante di e producto aki a dicidi cu e tambe kier probecha di e awasero di inflacion cu tur hende ta sacando cu rason y sin rason for di pueblo di Aruba.

Awor for di algun siman caba, e mesun paki cu dos rol di kitchen towels cu tabata costa 3.45, a bira awor 5.95, pues un aumento di 2.50 cual sin duda a kibra moral di tur consumido cu a uza e producto aki pa algun aña caba, ya cu tabata un prijs cu ta permiti nan keda cu algo den nan cartera. No tin hustificacion pas esaki pero sin un control debido di parti di gobierno, e tipo di abusanan aki ta sigui tuma luga sigur ora cu mira cu durante di e pandemia mes, e prijs di e kitchen towels nunca a cambia y a keda cu mesun prijs agradabel y pagabel.

Den e mundo di inflacion aki, ta parce cu comerciantenan kier bira miyonario mas pronto posibel y ta mostra cu e sector comercial tampoco lo kier pa gobierno ranca miyones for di cartera di pueblo, caminda nan ta core risico di perde parti di e bolo aki.

A cancela medida den AZV y por spera problema

Minister Dangui Oduber semper tabata contra

Ta un hecho cu for di momento cu Prome Minister Evelyn Wever Croes a dicidi di firma e acuerdo cu Hulanda pa introduci un tipo di reforma den cuido medico, caminda lo mester a reduci 5 milyon tur luna, Minister di Salud, Dangui Oduber tabata contra di esaki.

Ningun dia e mandatario encarga cu maneho di salubridad, a muestra sosten pa e acuerdo aki ya cu saca 60 milyon pa aña for di cuido medico via di AZV, lo tin su consecuencianan serio.

Bou presion di CAft hunto cu gobierno Hulandes caminda hasta a menasa gabinete Wever Croes II c'un 'aanwijzing' di RMR lo mester a wordo introduci contra gobierno di Aruba na luna di October di 2022, Minister Oduber ningun momento a dobla y acepta un medida cu su persona a considera hasta algo cruel.

Diamars ultimo Minister Oduber oficialmente a anuncia cu e recorte di 5.5% den servicio cu AZV ta duna, a keda cancela y cu for di dia prome di Mei ultimo, e medida aki ta for di mesa.

Gobierno sinembargo no a confirma si a informa gobierno Hulandes di e decision aki y tampoco tabatin un reaccion di e propio Prome Minister Evelyn riba e decision di Minister Oduber relaciona c'un acuerdo cu su persona a firma pa wordo ehecuta.

E recorte a drenta na vigor caminda inicialmente Minister Dangui Oduber tabata informa CAft cu henter e proceso aki no ta canando bon y cu tambe ta dificil pa perhudica clientenan di AZV caminda hasta pa falta di remedi cu nan tin cu paga dor di e medida aki, ta mira nan salud empeora.

E decision aki ta uno unilateral ya cu ningun momento tabatin palabracion cu Hulanda y CAft caminda den su reportahe entrega siman pasa na Minister Xiomara Maduro e comision di supervision ta bisa lo siguiente:

“Het CAft constateert dat de taakstellende besparing van AWG 60 miljoen in de zorg in 2022 niet volledig is gerealiseerd. Het CAft benadrukt het belang van het ontwikkelen van een meerjar-enraming die inzicht geeft in de ontwikkeling van de zorguitgaven en inkomsten. Op basis daarvan kan worden bepaald of de reeds doorgevoerde

maatregelen toereikend zijn om op de middellange termijn een tekort bij de AZV te voorkomen.”

Pues claramente CAft mes ta muestra solamente cu gobierno di Aruba no a realisa e recortenan den gasto di AZV y ta exige di otro banda pa gobierno entrega un 'bista' di tur e desaroyonan cu tin desde cu a inicia cu e proceso di reduccion di gasto.

CAft ta muestra e ora cu ta door di presenta un bista completo di loke ta gastonan medico y entrada di AZV, lo por determina a base di e cifranan aki, si AZV lo por ta segura di traha c'un deficit.

Di parti di Prome Minister Evelyn Wever Croes mes no tabatin ningun reaccion riba e decision aki tuma y si su persona lo a tuma contacto cu Secretario di Estado Alexandra van Huffelen riba e decision cu el a tuma y si el a haya sosten pa esaki.

Sin duda por spera un reaccion no mucho positivo for di Den Haag pero realidad di e caso aki ta cu ningun momento Prome Minister, riba su mes y sin sosten di Parlamento, por a dicidi di firma y bay di acuerdo c'un medida asina drastico cu a bin ta afectando bida di miles di hende pa loke ta nan salud.



REQUEST FOR PROPOSAL

GSE Parking East Project at Aeropuerto Internacional Reina Beatrix

By means of this publication the Aruba Airport Authority N.V. (AAA), manager and operator of Aeropuerto Internacional Reina Beatrix (AIRB), would like to invite all interested parties and/or interested parties who have formally and/or informally shown interest in the past to AAA for the **GSE Parking East Project** at AIRB, to submit to AAA an offer as further described in our Request for Proposal (RFP) documents.

Interested parties are requested to confirm their interest by emailing docscontrol@airportaruba.com in order to receive the RFP from AAA. This request must be submitted on/or before **May 12, 2023**. On **May 16, 2023**, the RFP document will be provided to all interested parties digitally. Once the RFP document is provided to the interested party on **May 16, 2023**, an acknowledgement for receipt is required to validate the receipt of the RFP. Verification of the receipt of the request for the RFP remains the responsibility of the requesting party. A site visit is scheduled for **May 24, 2023**, at 09.30 am lt, meeting point is in front of US Check-in Hall at AIRB. Questions on the RFP can be submitted before or on **May 29, 2023**, Answers to the questions from all parties will be emailed ultimately by **May 31, 2023**, to each party that has received our RFP.

The Final date for submission of a proposal for the GSE Parking East Project at AIRB is **June 7, 2023**, at 10:00 a.m., as per instructions in the RFP document.

AAA reserves the right to contact all entities on its own initiative who have expressed their interest in the past to AAA N.V. to provide these services.

Aruba Airport Authority N.V.
May 2023



Minister Ursell Arends:

Esfuersonan den colaboracion pa remedia dump ilegal na Matadera

Diahuebs 4 di mei durante oranan di mainta, diferente instancianan a uni hunto pa atende cu e situacion di e dump ilegal na Matadera. E area aki for di hopi aña caba a bin ta ocasiona molester na henter e bisindario y ultimo a wordo cendi na candela cual ta trece peliger pa no solamente e area di Matadera pero tambe medio ambiente.

Minister Arends a presenta na e sitio unda a constata molester y peliger cu esaki ta trece cu ne ora ciudadanonan conscientemente haci e decision pa benta nan desperdicio afo na luganan cu no ta asigna pa esaki. Ta bolbe haci yamada na comunidad pa tene Aruba limpi, haci uzo di e luganan cu ta asigna pa deposita bo desperdicio. Por haya informacion unda pa benta sushi riba www.trashtocasharuba.org. Tambe tin cu remarca cu sushi di cas cual ta bo bari di sushi, ta keda wordo recoge door di e compania cu abo como ciudadano a kies. “Dump ilegal no ta aceptabel y no ta e manera pa atende cu bo desperdicio”, minister Arends ta enfatisa.

E dump ilegal na Matadera ta un di e varios nan cu a bin ta crea durante añanan y cu tambe ta den e kehonan cu a wordo ricibi via e aplicacion di FIXI. FIXI ta un aplicacion unda ciudadanonan por entrega keho via e plataforma pa e.o. dump ilegal, holo malo y asina departamentonan cu ta resorta bou di Ministerio di Naturalesa por trece solucion. E situacion di Matadera ta un di e kehonan cu ta exige cooperacion di diferente stakeholders. Un situacion di un forma primitivo di atende cu desperdicio, uno cu no ta cuadra cu e vision di Minister Arends y tampoco cu tempo moderna cu nos ta bibando aden. Aruba ta cambia su maneho di desperdicio for di benta sushi den habri pa uno cu ta procesa sushi, teniendo na cuenta e herarkia di desperdicio. Un cambio cu ciudadanonan tambe mester tene nan mes na dje cu ta na



bienestar di ful Aruba. E responsabilidad comparti pa reduci, reuza y recicla.

For di Ministerio di Naturalesa, Directie Natuur en Milieue ta encarga pa traha riba un ‘Terms of Reference’ cual ta e puntonan cu un compania mester cumpli cu ne pa por sanea e area nan di e dump ilegalnan. Unabes DNM tin esaki cla, e siguiente paso ta pa bay un openbare aanbesteding.

Palabra di gradicimento ta bai na DOW y Bureau City Inspector cu a percura pa cera acceso na e area aki y haci esaki limpi. For di parti di sector priva, nos ta gradici Torres pa a habri acceso na e tereno, unda Dijkhoff Cleaning & Services N.V. a pone nan ekipo disponibel y tambe Ecotech cu a provee calichi. Sigur un tremendo colaboracion entre departamentonan di gobierno y sector priva cu a uni forza pa remedia e situacion den e area di matadera.

75.- FLORIN

@FaithFootCareByVivianna

BIAB MANI & GEL PEDI


















- Regular Pedicure 35 Awg
- Gel Pedicure 45 Awg
- BIAB Manicure 45 Awg

BOOK NOW

+297 6303058

SABANA GRANDI- SANTA CRUZ

Weekly SPECIALS

<p>WAS 14.09</p>  <p>8.99 Per KG</p> <p>Pork Spareribs</p>	<p>WAS 14.89</p>  <p>12.99 Per KG</p> <p>Grapes Red Globe Seeded</p>	<p>WAS 17.19</p>  <p>12.99 Per KG</p> <p>Chorizo Sausage</p>	<p>WAS 6.49</p>  <p>5.19 Per KG</p> <p>Tomatoes Reg</p>	
<p>WAS 4.49</p>  <p>3.49 100 GR</p> <p>Oven Roasted White Turkey Breast</p>	<p>WAS 3.99</p>  <p>2.99 Each</p> <p>Garlic Sleeved 5ct</p>	<p>WAS 11.69</p>  <p>9.99 Per KG</p> <p>Chicken Drumsticks</p>	<p>WAS 2.09</p>  <p>1.29 Each</p> <p>Corn Yellow</p>	<p>WAS 7.99</p>  <p>6.99 Each</p> <p>Asparagus Tips 1LB</p>
<p>WAS 12.99</p>  <p>10.59 Each</p> <p>Panamei Tilapia 1LB</p>	<p>WAS 17.07</p>  <p>15.99 Each</p> <p>Crisco Pure Canola Oil 40oz</p>	<p>WAS 4.54</p>  <p>2.09 Each</p> <p>WH Organic Garbanzo Beans Can 15oz</p>	<p>WAS 7.59</p>  <p>6.99 Each</p> <p>Libby's Regular Corned Beef 340g</p>	<p>WAS 10.99</p>  <p>9.99 Each</p> <p>EE 100 Pineapple Juice 64oz</p>
<p>DAIRY/FROZEN</p> <p>WAS 5.89</p>  <p>5.09 Each</p> <p>Almond Breeze Assorted Milk 32oz</p> <p>WAS 6.29</p>  <p>5.79 Each</p> <p>Silk Soy Milk Original/Almond 32oz</p>	<p>HBC/GM</p> <p>WAS 13.99</p>  <p>11.99 Each</p> <p>Colgate Mouthwash Optic White Icy 500 ml</p> <p>WAS 4.29</p>  <p>3.99 Each</p> <p>Gwaan Toilet Paper 3 Laags Katoen 4stk</p>	<p>DELI/BAKERY</p> <p>WAS 2.89</p>  <p>2.39 100 GR</p> <p>Belegen Kaas</p> <p>WAS 2.69</p>  <p>2.19 100 GR</p> <p>Virginia Smoked Ham</p>		

SUPER
Do it Center

VALID FROM
05 MAY - 11 MAY 2023
and while supplies last



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Minister Rocco Tjon: A ricibi presentacion amplio di e hallazgonan di e comision encarga cu e tematica di abuso domestico

Diahuebs mainta, Minister di Husticia y Asuntonan Social Sr. Rocco Tjon a reuni cu “Adviescommissie Huiselijk Geweld”, un comision cu su obhetivo ta pa brinda conseho riba e topico di abuso domestico. Manera ta conoci algun tempo atras, Ministerio di Husticia y Asuntonan Social a cera un MOU cu Fundacion Contra Violencia Relacional (FCVR), basa riba e hecho cu nan ta enfoca mas riba e parti di abuso domestico, especificamente e parti di registracion y educacion. A base di esaki a palabra pa institui e comision “Adviescommissie Huiselijk Geweld”, y awe a ricibi un presentacion di e hallazgonan. Minsiter Tjon a expresa cu e ta sumamente satisfecho di a presencia e avancen cu nan a haci pa loke ta e tematica aki, principalmente e avancen den Cuerpo Policial.

Diahuebs mainta, e representante di Cuerpo Policial Sr. Leer a presenta e proceso di con nan lo bay hinca e hallazg-



onan den otro, como tambe a ilustra con cada paso den e proceso aki ta bay wordo exponi den e organizacion pa di e forma aki, na prome luga, por brinda un miho servicio na victimanan di abuso domestico, pero tambe tene cuenta cu e parti di registracion y e parti di presenta un caso di abuso domestico dilanti hues. Mester bisa cu tin diferente otro desaroyo andando, entre otro tin dos medico forensico cu tin un rol hopi importante den e parti aki, pero tambe demas stakeholders a presenta otro puntonan cu tambe ta importante pa loke ta opleiding. A base di esaki a diseña un opleiding especificamente pa Cuerpo Policial entre otro, cual ta encera un training pa tur e Agentenan Policial, pa asina crea e conscientisacion necesario riba e topico aki.

Siguiientemente, e comision lo bay traha un mapa den cual tur e diferente serviccionan cu cada stakeholder ta brinda pa victimanan di abuso domestico, ta bay wordo “in kaart gebracht”, pa asina victimanan di abuso domestico por sa na unda pa acudi.

Tambe, e mapa aki lo bay wordo comparti cu tur e diferente organisacionnan, pa di e forma ey cada organizacion por brinda un miho servicio na e victima. Por ultimo, nan ta trahando riba un “referral pathway”, cual ta basicamente un mapa di e pasonan cu mester tuma, ora di referi un victima, pa di e forma ey brinda un miho servicio como tambe miho atencion na e tipo di casonan aki.

E Mandatario a indica cu, durante e reunion, a dicidi di prolonga e comision aki, pa asina sigui traha riba e diferente productonan cu ta necesario, y esaki lo bay wordo amplia den e futuro cercano. Asina tambe, a gradici e comision, cual ta consisti di diferente stakeholders, entre otro CEDEHM, Bureau Sostenemi, FCVR, HIAS, Cuerpo Policial y Ministerio di Husticia y Asuntonan Social. E comision aki lo bay wordo amplia den e futuro cercano.



Bin bishita nos y probecha!

Paña di bon calidad na bon prijs.



Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com

Auto a bolter mainta trempan na Morgenster



Diahuebs den oranan trempan di mainta esta rond di 7'or ta sosode un accidente serio ariba e caminda di Morgenster direccion Cumana. Dos auto tawata envolvi di cual uno a bolter y kibra un cura di cas. Ambos auto ta di marca Hyundai, uno tawata un Tucson y e otro un Accent modelo bieu.

Na e sitio nos a compronde cu e Accent aparentemente lo a haci maniobra nan straño prome cu e la bolter. Por mira cu e lo a kita kisas pa no dal tras di e Tucson y ta bay na su man drechi subi algun baranca dal un cura di cas kibra pa despues bolter.

Materiaalwagen mester a presenta pa yuda Paramediconan saca chauffeur di e Accent for di e auto. Un ambulance tawata presente y a tuma e herido over, unda cu a sali cu ne direccion Hospitaal. Trafico a congestionar pa algun rato, mirando cu tawata e orario druk pa esnan cu tawata bayendo trabou y hiba yiu scol.



EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **VRIJDAG 2 JUNI 2023 om 10:00 uur 's-morgens** bij de **Kamer van Koophandel** (Auditorium) aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. **SALINJA CERCA 15-E**

een woonhuis met appartementen staande op het recht van erfpacht tot 23 februari 2055 op een perceel domeingrond groot 954 m2 gelegen te Salinja Cerca in Aruba, kadastraal bekend als Tweede Afdeling Sectie C nummer 1013.

richtprijs: **Afl. 785.000,--**

2. **KATUNASTRAAT 21-E**

een woonhuis staande op het recht van erfpacht tot 8 juli 2046 op een perceel domeingrond groot 795 m2 gelegen aan de Katunastraat in Aruba, kadastraal bekend als Eerste Afdeling Sectie P nummer 1911.

richtprijs: **Afl. 277.000,--**

3. **HOOIBERG 92-U**

een woonhuis met appartementen staande op een perceel eigendomsrond gelegen te Hooiberg in Aruba, groot ca. 806 m2, welk perceel afkomstig is van het perceel kadastraal bekend als Eerste Afdeling Sectie R nummer 3411 index D 14634.

richtprijs: **Afl. 465.000,--**

- Een onherroepelijk en onvoorwaardelijk onderhands bod kan worden uitgebracht tot en met uiterlijk donderdag 17 mei 2023 ten kantore van NewLeaf Notary of via email auction@newleafaruba.com. Het biedingsformulier is zowel op het kantoor van NewLeaf Notary alsmede op de website www.newleafaruba.com verkrijgbaar.
- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com


Adicto deteni despues di a falta polis respet

Diaranson anochi rond di 9'or polis ariba L.G.Smith Boulevard ta haya nan confronta cu un situacion unda un persona a manda algo ariba nan. Dilanti un oficina di abogado polisnan a bay atende cu un adicto ambulante cu tawata basta altera. Segun nos a compronde y por a mira cu un agente a bay piki algo ariba caminda. Parce cu e homber aki a manda nan cu un parti duro cu locual tawata parce di ta parti di un mata coco.

Momento cu a bay atende cu ne e lo a resisti su detencion y agentenan a pone ariba vloer y tambe a pone den boei. Mester tawata tin un pelea chikito debi cu tawata tin sanger cerca unda e adicto tawata. Transportwagen a wordo pidi y despues di warda basta e la yega unda nan a hibe e warda nobo den Paardenbaastraat.



Kamasutra love chair horta, despues di a bishita apartamento di placer



Diaranson den oranan di mainta pa merdia un Kia Sportage a bishita e apartamentonan di placer situa na Meiveld. Pero, ora su ora a yega pa sali e lo a bay cu un mueble di e apartamento. Esnan encarga cu e cambernan a bin ripara cu esnan cu a bin den e Kia Sportage lo a horta e "Love Chair" for di e apartamento. Parce cu e lo a wordo hinca den e vehiculo y nan a bay. Mas den oranan di atardi, unda cu basta ora a pasa caba, kisas ta e momento ey nan a bin haya su falta lo a avisa polis. Polis na su turno a presenta y a tuma dato di locual a sosode.

Lucky Shot

Algun minuut cu polis a sali di e Meiveld durante patruya nan a bin topa cu e Sportage cu e plachi number cu ta cuminsa cu letter di un fam. Esaki lo tawata para dilanti un luga di lotto na Morgenster. Mesora dos patruya a acerca chauffeur. Despues di a tuma tur dato y a avisa recherche nan a lage continua su caminda. Pues e ladroncia awor ta den man di recherche, pa motibo di un sofa erotico di e luga di placer. No ta conoci si ta e chauffeur mes tawata den e luga diaranson mainta of si e lo por a fia hende su auto.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements RESTAURANT
LOCATED AT BUCUTI & TARA BEACH RESORT
RESERVATIONS REQUIRED
elementsaruba.com | +297 592 5868
ADULTS ONLY | CASHLESS | NO SMOKING | NO GROUPS

\$24.50
SERVICE CHARGE INCLUDED

Kevin T. Hassell (55) miho conoci como Kip Hassel a wordo haya sin bida den su cas



Diaranson den careda di 11'or di anochi famia a yega na e adres Koolbaaibergstraat 7 y no por a drenta den e cas y na prome instante tabata tin un leve sospecho cu algo no ta bon cu nan ser keru cu ta biba na e cas aki. E porta tabata cera, e persona tabata den e cas y no a bin habri porta pa nan. E famia a dicidi di pidi pa presencia di polis, na yegada di polis nan tampoco por a logra habri e porta. Famia a puntra e ora pa polis pidi brandweer asisti nan pa kibra e porta di cas pa nan por drenta pa den.

Brandweer hopi lihe a yega y a kibra e porta, ora cu e famia a drenta paden y den cushina riba vloer nan a bin topa cu nan ser keru cu no tabata dunando señal di bida mas. Polis na e sitio a pidi pa presencia di slachtofferhulp y un dokter pa asina constata morto, Dokter Texier a presenta y a constata morto di Kevin T. Hassel di 55 aña.

Kevin "Kip" Hassel ta hopi conoci den e mundo di spuitmento di brommer y auto, specialmente pa su creatividad sin limite ora di spuit brommer of aut, su designnan tabata hopi unico.

Kip for di un edad basta hoben a cuminsa core y pusta cu brommer. E mundo di dragrace a perde un bon coredo di brommer. Bida no tur ora tabata facil pa Kip, pasobra e tabata biba cu un enfermedad, pero asina mes e no tabata laga su enfermedad strob'e. E tabata sa cay pero mescos e tabata sa lanta bek y sigui biba, pero e biaha aki destino a dicidi otro pa Kip. Team Arubanative.com kier a extende su mas profundo palabranan di condolencia na henter famia di Kevin Hassel, cu Kip sosega na paz.






WE
ARE
HIRING



TOP 25 RESORTS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

POSITIONS:

- DIRECTOR OF ENGINEERING
- ENGINEERING SUPERVISOR
- TECHNICIAN
- FRONT OFFICE SUPERVISOR
- CONCIERGE/FRONT DESK AGENT
- HOUSEKEEPING SUPERVISOR
- HOUSEMAN
- SOUS CHEF
- F&B SUPERVISOR
- COOK/COOK HELPER

BENEFITS:

- ATTRACTIVE SALARIES
- BONUS OPPORTUNITIES
- 5-DAY WORKWEEK
- UP TO 27 VACATION DAYS (BASED ON YEARS OF SERVICE)
- INSURANCES (LIFE INSURANCE, VISION & DENTAL, HEALTH DISABILITIES)
- SAVINGS & LOANS PROGRAM
- EMPLOYEE DISCOUNTS

APPLY ONLINE AT WWW.BUCUTI.COM/CAREERS

Desde prome di mei, Fronteranan maritimo cu Venezuela a habri oficialmente

Despues di hopi deliberacion y negociacion, na unda cu a yega na palabracionnan concreto cu Venezuela di e condicionnan, e frontera maritimo cu Venezuela oficialmente a habri dia 1 di mei. Prome Minister Evelyn Wever-Croes a indica cu e frontera aereo ainda no tin fecha pa habri esaki. Pa esaki ainda falta hopi negociacion y deliberacion.

Prome Minister a indica cu tin condicionnan hopi estricto pasobra ta importante pa tin bon control. Entre otro, e barconan cu ta bin di Venezuela ta bin bou di un agencia na Aruba. Esaki kiermen cu niun barco ta permiti pa yega Aruba pa bende producto na Aruba sin instruccion y responsabilidad di un agencia na Aruba. E tripulante di e barco no tin Visa pa por drenta Aruba por lo tanto nan por keda 48 ora riba Aruba sin cu por sali for di e tereno di Waf.

Te cu awo desde cu frontera maritimo a habri, no tin ningun barco cu a drenta ainda y haci uzo cu frontera ta habri



oficialmente. Tin varios papeleo na Venezuela y na Aruba pa cumpli cu ne cu ta tuma tempo. “Talbes den e diano nos dilanti nos por cuminsa importa fruta y berdura, comestibel, material di construccion, entre otro, na prijsnan mas barata cu nos ta hayando actualmente cu lo por yuda cu e peso di costo di bida halto cos tin na Aruba.

“Cu poder di Dios nos ta logra, dentro di poco e barconan ta cuminsa yega Aruba. Gobierno di Aruba tin tur confiansa cu e palabracionnan cu nos a haci ta di tal indole cu e ta sigur pa habri e frontera maritimo y siguiyemente lo cuminsa deliberacionnan pa habri e frontera aereo tambe. Ainda no tin un fecha stipula pa esaki pasobra e ta algo cu mester wordo regla hopi bon prome cu e wordo implementa”, Prome Minister Evelyn Wever-Croes a duna di conoce.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Caribbean Mercantile Bank N.V. henter...Orguyoso!

Giantonio Muller condecora como “Lid in de Orde van Oranje-Nassau”



Caribbean Mercantile Bank N.V. (CMB) awe orguyosamente kier comparti noticia di su kerido empleado Sr. Giantonio Muller cu recientemente a ricibi condecoracion di “Lid in de Orde van Oranje-Nassau.”

Giantonio, un persona stabiel y fuerte, trahado y constante, pero cual tin tremendo sentido di humor tambe. Stima pa tur su coleganan, y mas ainda esnan cu ta traha den su team paso e tin aprecio, cuido y atencion pa cada un di nan.

Bandi su trabou Giantonio tin varios aña yudando varios organisacion local den nos comunidad, cuminsando cu entre otro Rotaract Club of Aruba, despues activamente cu Kiwanis Club of Aruba, yudando cu organisacion y fundraising pa varios evento cu tin continuamente tur aña. Banda di esaki Giantonio tambe ta conoci pe encarga di “CMB Cares” stand pa casi 20 aña. CMB Cares ta un espacio cu ta disponibel den temporada di Carnaval pa clientenan entre otro Funari y/of demas personanan cu un of otro tipo di limitacion, pero tog permitiendonan gosa di Aruba su Carnaval den ambiente sigur y ameno.

Giantonio masha masha pabien cu bo condecoracion real. Bo esfuerso, dedicacion y amor pa yuda otronan den nos comunidad ta briya, y e trabou cu bo ta haci ta impagabel.

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Acciona Energia ta na Aruba

Nos ta un paso mas cerca di realisacion di Aruba Hydrogen Valley

Manera cu Minister Glenbert Croes recientemente a anuncia, e compania identifica pa asisti Aruba den e proceso di realisacion di Aruba Hydrogen Valley ta Acciona Energia di Spaña, cu representantenan na e momentonan aki ta na Aruba, confirmando e compromiso cu Gobierno di Aruba tin pa realisa e proyecto aki. E industria Energetico aki lo trece boost economico pa nos Pais, boost laboral creando mas cupo di trabou y lo rebiba San Nicolas, creando e di dos pilar economico pa Aruba.

Sin ningun clase di fanfaria ni fiesta, Acciona Energia a yega Aruba. Mientras tanto a reuni cu RDA. E delegacion consistiendo di Acciona Energia, Utilities, RDA, WEB, ELMAR y e titular di Energia mes, a haci 'site inspection' riba e tereno di RDA pa identifica den cual parti di e teritorio di RDA e Aruba Hydrogen Valley lo wordo ubica.

Hidrogeno ta e energia di futuro, clave den decarbonisacion. Pa e futuro di e generacionnan cu ta sigui nos, nos mester tuma e pasonan awe pa sigura cu nan por tin un pais y un mundo limpi. Ta nos deber pa minimalisa te yega na e punto di eliminacion total di HFO – Heavy Fuel Oil cu ta e contaminado mas grandi



di nos medio ambiente. Durante e reunion Acciona Energia a haci un presentacion di e vision di nan empresa. Acciona Energia ta presente na mas di 40 pais rond mundo den 5 continente cu energia renobabel, cu 45 mil trahado y cu ta produci 24 TWH (Tera wattt hour) pa aña.

Corectamente manera e mandatario a expresa: “Aruba ta canando rumbo su futuro nobo haciendo e Aruba Hydrogen Valley [#ArubaH2Valley](#) un realidad. E Futuro nobo energetico pa Aruba ta awor”, dje forma aki poniendo accion tras di su palabranan.

Minsiter Geoffrey Wever: Business Matchmaking Event: explorando posibilidadnan comercial entre Aruba y Venezuela

Parti di maneho economico di Minister Geoffrey Wever ta pa fortifica lasonan comercial cu paisnan cerca pa mehora seguridad di cuminda, stabilisa costo di bida, y promove (diverso) actividad economico. Awo cu frontera maritimo a habri entre Venezuela y Aruba 1 di mei ultimo, e mandatario kier cuminsa explora posibilidad pa amplia relacionnan comercial entre Aruba y nos pais bisiña, Venezuela.

Siguridad di cuminda ta importante. Un suministro consistente y suficiente di cuminda, di calidad nutritivo ta esencial pa mantene nos poblacion saludabel. Costo di bida ta un factor critico pa calidad di bida, y e prijs di cuminda ta un factor principal. Beneficianan di comercio cu paisnan cerca ta conduci na reduccion di costo di transporte, y asina lo yuda baha prijs di produccion, y ta yuda accelera respons ora di crisis alimenticio, unda rapidez ta crucial.

Gobierno di Venezuela a presenta un lista di producto cu capacidad pa exportacion y nan disponibilidad. Pa es motibo, a cuminsa sondea manera pa reestablece e lasonan comercial cu Venezuela, cu pa hopi tempo tabata importante pa nos Pais.

Venezuela su capacidad di exportacion den ultimo añanan a

crece y a logra crea lasonan comercial cu paisnan desaroya cu ta conoci di tin exigencia halto pa ricibi producto di exportacion, manera Union Europeo por ehempel. Pisca, cabaron, kreeft y otro crustaceonan tabata e importacion principal for di Venezuela (€ 172 milyon, +19,4%), sigui pa bebidanan alcoholico (+45%) den 2022 pa dicho Paisnan. Mientrastanto, Hulanda tabata e di dos importador mas grandi (18,5% di e importacion total) den 2022.

Na mes momento, exportacion for di Union Europeo pa Venezuela tambe a subi 44,1% aña pasa (€ 534 milyon). Makinaria, ekiponan electrico y plastic tabata e exportacion nan principal. Italia, Spaña y Alemania tabata e exportadonan principal (60,4% di e exportacion total). Hulanda tabata na di cinco luga (7,2%) den 2022.

Minister Wever kier organisa e prome “Business Matchmaking” Virtual entre Venezuela y Aruba den un setting caminda exportadonan Venezolano, lidera pa Exportaciones Falcon, por intercambia cu sector comercial local ariba e posibilidadnan pa reestablece laso comercial entre Venezuela y Aruba. Via un plataforma virtual interactivo participantenan nan di Venezuela y Aruba por conecta y crea e oportunidad nan di colaboracion pa haci negoshi.

Pa esnan interesa den participa na e “Business Matchmaking Event”, por tuma contacto cu nos via e-mail info.minezcdo@gobierno.aw pa ricibi mas informacion con por participa na e prome sesion aki.

Minister Dangui Oduber:

MOU pa converti ex-edificio di DOW den un hoy a di proyecto a keda firma!

Minister di Turismo y Salud Publico sr Dangui Oduber ta logra cera un otro acuerdo importante den cuadro di mehoracion di producto Aruba. Diaranson anochi na Hyatt Place a tuma luga e firmamento di MOU entre gobierno di Aruba, APA y ATA. Den e anochi ceremonial aki tabata tin varios mandatario y miembronan di Parlamento presente di cual nos Minister President sra. Evelyn Wever-Croes a hiba palabra y tambe Minister Oduber.

E MOU aki ta bay haci posibel pa cuminsa sondea e posibilidadnan pa e ex edificio di DOW bira e oficina principal di APA y un visitor inspiration center di ATA. Minister Oduber a duna di conoce cu e proceso aki tabata uno cu a tuma su tempo y p'esey e ta considera esaki uno hopi special.

Proyecto EX edificio DOW

APA ta bay tuma e edificio di DOW over, renoba esaki completo. Como esaki ta un edificio basta grandi ta bay comparti e edificio di manera cu e piso 2 ta bira oficinanan di APA. Aruba Tourism Authority (ATA) ta bay huur piso 1 di e edificio aki y lo bay converti e piso aki den un Visitor Inspiration center pa brinda informacion na nos bishitantenan, inspira nan y tambe atende cu nos turistanan crucero.

Vision y Maneho

Minister Oduber su vision y maneho den turismo ta basa riba keda haci inversionnan continuo den producto Aruba. Pa di e manera aki keda stimula Aruba su economia y sigui crea oportunidadnan nobo pa nos comunidad. Aruba ta un bon producto y di calidad. Pero pa mantene nos mes competitivo e ta di vital importancia pa keda haci inversionnan continuo den nos producto y esey ta locual cu ta wordo haci tambe, e mandatario ta expresa.

Minister Oduber ta contento cu despues di un proceso largo caminda mester pidi hopi consehonan huridico, un pandemia cu a para tur desaroyo pa 2 aña, porfin ta logra yega na un acuerdo. Riba 14 di maart 2023 conhuntamente cu Director di APA, CEO di ATA, DOW y Monumentenbureau a haci un recorrido den e edificio di ex DOW. Pa asina haya un bista di e estado di e edificio. Danki na un vision tin un MOU awe firma cu ta bay renoba un edificio monumental cu tin 15 aña bandona den nos centro di ciudad.

Minister Dangui Oduber a dirigi palabranan di gratitud na e



team di su ministerio pa traha riba e proyecto aki. A duna danki na Minister-President pa dune e confiansa y tambe pa kere den e proceso, a gradici coleganan den ministeraad pa sostene e proyecto aki. Finalmente un danki na APA NV y ATA pa hunto bay realiza un hoy a di proyecto pa Aruba cu nos tur por ta orguyoso di dje.

Join e “Big Live Nature Quiz” Gratis y Gana un Biahe riba un Barco di Bela

Dutch Caribbean Nature Alliance (DCNA) y su miembronan ta invita tur residente di Aruba, Boneiro, Corsou, Saba, Sint Eustatius y Sint Maarten pa participa na e Big Live Nature Quiz diasabra dia 13 di mei, di 6or pa 7or di anochi. Por haya mas informacion tocante e bunita naturalesa di Caribe Hulandes den e quiz gratis, online, bibo y interactivo aki.

E quiz ta na Ingles, pero tambe e preguntanan lo tin subtítulo na Hulandes, Papiamentu y Papiamento. Bo por hunga desde un di e luganan cu ta participa of online via zoom. Bo por join bo so of bo por forma un ekipo cu un maximo di 4 amigo di tur edad. E premio grandi ta un biahe riba un barco di bela/snorkel. Participacion ta gratis, pero bo mester registra a traves di <http://www.biglivenaturequiz.org/>.

Big Live Nature Quiz ta un evento anual, crea pa educa e ciudadanonan tocante naturalesa (conservacion) na un manera dibertido y interactivo, pa crea orguyo pa naturalesa den Caribe Hulandes, e ta fomenta practica ecologico, ta apoya proyecto di conservacion di naturalesa y ta conecta hopi hende den henter Caribe Hulandes.

E quiz ta un berdadero esfuerzo di ekipo di varios isla: crea y respalda pa e seis islanan di Caribe Hulandes, incluyendo e organisacionnan di maneho di area proteha ([Fundacion Parke Nacional Aruba](#), [CARMABI Curaçao](#), [Saba Conservation Foundation \(SCF\)](#), [Nature Foundation St. Maarten](#), [St.](#)

[Eustatius National Parks \(STENAPA\)](#)), e patrocinadonan (local) y Dutch Caribbean TV.

Con pa participa

E participantenan por hunga online a traves di Zoom desde nan cas cu amigo y famia. Of nan por bay na un bar of restaurant designa (Aruba: [Battata Beach Bar](#), Boneiro: [Hillside Bar & Restaurant](#), Corsou: [Grand Cafe MahaaI](#), Saba: [Chez Bubba Bistro](#), Sint Eustatius: [Ocean View Terrace](#), St. Maarten: [Dinghy Dock Sailors Bar](#)) na unda lo transmiti e quiz bibo. Pa mas informacion, mira <http://www.biglivenaturequiz.org/>.

Reserva bo luga

E participacion ta gratis, pero e ekiponan mester wordo registra di antemano na <http://www.biglivenaturequiz.org/>. E personanan cu ta desea di participa na un luga di transmision bibo tambe mester reserva un luga na e luganan di participacion (wak ariba).

Tema: Bestia y mata den peliger di extincion

E quiz ta bay tin un total di 20 pregunta di escogencia multipel. E preguntanan ta bay ta tocante bestia y mata den peliger di extincion riba tera y den lama, manera turtuga di lama, tiburon y yuwana. E quiz lo ta na Ingles, pero e preguntanan tambe lo tin subtítulo na Hulandes, Papiamentu y Papiamento.

No ta necesario pa prepara of studia di adelanta pa e quiz. Sinembargo, si bo ta desea di tin mas chance di gana, por consulta e paginan di red social di DCNA: : [Facebook \(Dutch Caribbean Nature Alliance\)](#) y [Instagram \(DCNAnature\)](#). Den e rednan social di DCNA tin pregunta di prueba cu lo bin bek den e quiz.


Premio

E gran premio ta un biahe riba un barco di bela/snorkel pa e ekipo ganado. Tambe ta bay tin otro premio local disponibel.

Sigui e Big Live Nature Quiz

Bishita e [Facebook](#) di DCNA (Dutch Caribbean Nature Alliance), [Instagram \(DCNAnature\)](#) of <http://www.biglivenaturequiz.org/>. Para ricibi mas informacion, por manda un e-mail na research@DCNAnature.org.

E Big Live Nature Quiz ta generosamente financia pa Ministerio di Agricultura, Naturalesa y Calidad Alimentario (LNV) y e actividadnan di DCNA ta conta cu apoyo di Nationale Postcode Loterij.



Tiger Taekwondo Academy cu logronan historico



Cu gran orguyo nos a ricibi informe di e participacion di Tiger Taekwondo Academy durante di e competencia Panamericano na Santo Domingo, Republica Dominicana fin di april.

Den Cadete 5 medaya di Brons, den Junior 1 medaya di plata. Den Infantil 2 medaya di Oro tawata gana pa Khaleesi Ridderstaat. Esaki ta algo historico p'e deporte na Aruba, como cu logrando e medayanan aki den un competencia di e nivel aki nos a logra ta riba un podium internacional. Di e forma aki Tiger Taekwondo a logra obtene e ranking internacional den e categoria Cadet y Junior. E atleta Aleysha Macea a sa di posiciona su mes na di tres luga den e Ranking Cadet-55kg y den Junior+68, Maelynn Fradl tambe a posiciona su mes na di tres luga den e Ranking Internacional

Un bes mas Tiger Taekwondo Academy, bao guia di masternan Teo Rodriguez y Jason Ridderstaat ta gradici inmensamente Marlon Petrocchi di Eumar Lock y Aruba henter cu su automobilistanan cu a sa di respalda nan cu cada contribucion na e rotondenan.

Fortaleza Pa Famia

Kere den Cristo Hesus, biba pa Cristo, asina ricibi autoridad riba tur poder satanico

BAY den henter e mundo y predica e evangelio na tur criatura. Esun cu kere y a wordo batisa lo ta salba, ma esun cu no kere lo ta condena. **Y e señalnan aki lo compañía esnan cu kere:** Den Mi nomber nan lo saca demoño, y nan lo papia den lenga nobo, nan lo coy e colebra cu man, y si nan bebe cualkier veneno mortal esey lo no haci nan daño. Nan lo pone man riba hende malo y esakinan lo bira bon (Marco 16:15-18).

Den tur Bijbel e ta para skirbi mesun cos, pa evita cu hende lo bisa cu nan no tabata sa, pasobra e evangelio di Dios ta bon noticia.

Maske nos ta cana den carni, nos no ta bataya segun carni, pasobra e armanan cu nos ta bataya cune, no ta carnal, ma poderoso den Dios, pa basha e fortinan abao y pa destrui especulacionnan y tur arogancia, cu ta wordo lanta contra e conocimiento di Dios, hibando den cautiverio tur pensamiento, pa haci nan obedecido na Cristo. Y nos ta cla pa castiga tur desobediencia una bes cu boso obediencia ta completo.

Pa nos lanta para y reprende satanas den nomber di Cristo Hesus nos bida mester ta den boluntad di Dios limpi y corecto, pasobra Señor a duna nos autoridad riba e diabel y tur su compinchi, pa tur caminda cu nan ta molestia nos por reprende nan den nomber di Cristo Hesus.

Ta conoci cu rond mundo y den nos comunidad, hende ta kere den bruheria y santeria, pasobra nan ta kere pa nan finansa, matrimonio y nan posicion den nan trabao, pa asina nan por keda hefe, y domina esnan cu no sa di reprende e obranan di diablo (Isaias 47:8-14).

Tin pactonan satanico.

Tin ta consulta via internet cu bruho.

Tin tumamento di baño.

Tin gastamento di miles di florin na talisman.

Tin hasta bebemento di likidonan pa asina nan por tin poder.

Tin sacrificio cu tin biaha ta costa hasta bida di sernan kerí, pasobra diabel ta ranca hende (Juan 10:10).

Doloroso ta cu mescos cu nos ta importa cuminda, hende ta importa tur clase di malisia y bruheria, frontera ta habri pa maldad, capital grandi ta wordo inverti den diablura.



Y hopi biaha ta hende sabi, bon gradua cu bon estudio, den posicion halto ta envolvi den e bagamunderia aki. P'esey nos mester persevera den oracion den nomber di Cristo Hesus pa basha e fortinan abao.

Pero e gran tristesa ta cu mayornan ta pasando e maldicionnan aki riba nan yiunan, pasobra bruheria ta maldicion y di edad hoben tin muchanan meti den bruheria, cu tin biaha hasta ta manifesta na scolnan, pero pa falta di conocimiento esaki nan no ta wordo raporta.

Ningun matrimonio domina cu bruheria lo no dura, hopi biaha bo ta mira un muhe kier sirbi Dios of vice versa pero un di nan ta keda atras pasobra e tin miedo pa e pacto diabolico no wordo kibra. Bruheria ta causante di hopi divorcio.

Mi ta duna boso autoridad pa trapa riba colebra y scorpion, riba tur poder di e enemigo y nada lo haci boso daño (Lucas 10:19).

Ma e cobardenan y e incredulonan, y e abominabelnan y e matadonan, y e fornicadornan y e hacidonan di bruha, y e adoradonan di Dios falso, y tur gañado, nan parti lo ta den e lago di candela y suafel, cual ta e di dos morto (Revelacion 21:8) (Isaias 47:8-14).

Awendia rond mundo tin movecion satanico, tanto den palabra como den obra, pero como creyentenan den Cristo Hesus nos tin e autoridad pa reprende.

Sinceramente, Pastor Marcel Balootje

Parlamentario Shailiny Tromp-Lee (MEP): AVP ta mas cu 2 siman den silencio

Strategia di AVP y tur su integrantenan ta mas cu obvio. Sinta warda tempo pasa pa pueblo lubida nan show y falta di seriedad y respet pa pueblo durante e famoso reunion encuanto poder di compra y pobreza. Un reunion caminda mayoria no tabatin e decencia pa ta henter dia presente na pia di trabou. Sin lubida e echo cu nan a practicamente haci 0 pregunta y a brinda 0 solucion of sugerencia. Mas grave ainda, nan a silenciar 1 di e 3 nan cu si mayoria di biaha ta na pia di trabou, esta Gerlien Croes.

Echo ta cu desde su ultimo rueda di prensa, ya 2 siman pasa, Gerlien Croes tambe ta den un silencio total. Pregunta ta si ta costa asina tempo pa tuma e decision pa para pa bo principio y pa para pa bienestar di bo pais y di Parlamento. Pa un persona cu semper ta cla pa cuestiona y critica y ta accentua cu e tin su pais y su pueblo na pecho, awe e ta demostra otro. Evaluando toch bienestar personal (carera politico) y di su partido.

Otro realidad ta cu AVP ta keda tira santo den wowo di pueblo. Subrayando e echo cu enberdad nan ta kere cu

pueblo ta ignorante. E sentencia di hues den e caso Avestruz ta bisa cla y raspa, Sevinger a keda condena na corrupcion y malversacion. Y asina mes nan ta keda sostene, ta keda acepta, tolera y hustifica e decision cu e ta keda como parlamentario. Un partido grandi demostrando un decadencia total. Ta ki ehempel y mensahe nan ta manda pa nos pueblo? Dos integrante a sali caba di partido y caya ta papia cu hopi di e hobennan ta evaluando pa haci mescos. Nos lo wak kico lo ta e desaroyo al respecto.

Pa finalisa mi ta comparti un biaha mas cu pueblo e realidad di AVP den parlamento. Nan tabatin 7 parlamentario den Parlamento, 4 nunca t'ey y practicamente no ta asisti na reunionnan, esta e oldboys network. Nan lider di Fraccion, Mike Eman, nunca a eherce e funcion aki y mas bien a laga pa Gerlien Croes haci su trabou pe. E mas tristo ta cu apesar di e berdadnan aki ainda nan tin e curashi di bati riba nan pecho y yama nan mes representante di pueblo. Unico cos cu nan ta haci ta cada pasa tempo un rueda di prensa y articulo den corant y nan programa radial. Nan echt no ta give a damn. Esey ta e tristo realidad di AVP.

mei Fiesta Birgen di Fatima ta cuminsa cu Santo Rosario pa 6.15 atardi sigui pa S.S. di Misa Solem pa 7'or anochi.

Diabierna 5 mei ta prome diabierna di luna tin Adoracion y Exposicion cu Santisimo despues di nobena y S.S. di Misa. Diasabra 6 mei ta prome diasabra di luna tin S.S. di Misa pa 8'or mainta na honor di nos Dushi Mama Maria. Pa 7.15 am Comunidad 100 Rosa pa Hardin di Mama Maria ta resa Santo Rosario na 5 idioma. S.S. di Misa anochi 7'or ta sigui manera custumber. Nobena 6.15 pm.

Tene cuenta cu S.S. di misanan den siman mainta 8'or ta sigui normal durante nobena.

Invitacion actividadnan religioso Parokia Birgen di Fatima Dakota

PAROKIA Birgen di Fatima Dakota den nomber di Rev. Pastoor Jozef Pelc y Rev. Diacono Michael Nicolaas ta invita tur deboto, parokiano y pueblo di Aruba en general pa asisti na nobena di Birgen di Fatima cuminsando diahuebs 4 mei te cu diabierna 12 mei 2023 pa 6.15 di atardi sigui tur dia pa Santo Sacrificio di Misa pa 7'or cu excepcion di diadomingo 7 di mei cu nobena ta pa 5.15 di atardi sigui pa S.S. di Misa pa 6'or pm. Diabierna 12 mei, ultimo dia di nobena, tin Exposicion y Adoracion cu Santisimo. Diasabra 13



"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa". - Salmo: 23

Nos ta anuncia fayecimento di:

Francisco Maduro

*20-09-1929 - †01-05-2023

Acto di entierro lo wordo anuncia despues.



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi". - Salmo 33

Cu dolor na nos curason, nos ta participa fayecimento di nos ser stima:

Sr. Theodoor S. Farro

Cariñosamente yama "Dodo"

*26-03-1931 - †03-05-2023

Acto di entierro lo wordo anuncia despues



Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason. "Cerca Dios mi alma ta na paz, ta di DJ'E mi salvacion ta bin" - Salmo 62:1

Cu dolor na nos curason, nos ta participa fayecimento di nos ser stima:

Lidia S. M. Martinus

*03-08-1938 - †01-05-2023

Acto di entierro lo wordo anuncia despues

When I am
afraid, I put my
trust in **YOU**.

—Psalm 56:3, NIV



"Si e tene na Mi, lo Mi salb'é: lo Mi hals'é, si e tin respèt pa mi Number. Ora e yama Mi, lo Mi contest'é, den problema Mi ta huntu cu né, lo Mi Libr'é i colm'é cu honor. Mi ta pon'é disfrutá di un bida largo y lo lag'é contemplá mi salbashon."
Salmo 91:14-15-16

Cu gran tristesa, pero conforme cu Dios su voluntad, nos ta anuncia e fayecimento di:

Ronald A. Geerman
Mihor conoci como "Tico, Buchi Tico of Sheuw"
*31-12-1964 - †30-04-2023

Na number di su:
Mayornan: vda. Hermonica Geerman Werleman
†Andresito Geerman

Yiunan: Randall Geerman
Marielle y Lionel Wever Geerman
Tiquiella Geerman y Jonathan Boca Negra
Shaquil Geerman y Oriana Werleman

Esposa: Bianca Luydens
Y yiunan: Xenia Luydens
Jovanca Luydens y Ryan Brete
Ryadrick y Jared
Giovanni Luydens

Rumannan: Rita Geerman
Viviana y Robert Jeand'or Geerman
Magriet Geerman

Nietonan: John-Maynard, John-Maximus
Mason Zileyna Zeylan

Tantanan y Omo na bida: Ursula y George Fowler y fam.
Olinda Werleman Geerman y fam.
Placido y Evelina Geerman Ras y fam.
Margo y Eusebio Loefstop Geerman y fam.
Nanachi Geerman y fam.
Handy Paesch y fam.

Suegra y suegro: Teresita Luydens-Henriquez
†Thomas Luydens

Swa y cuñanan: Nico Luydens
Clementina Luydens na Hulanda
Desiree Luydens y fam.
Carina Luydens y fam.
Juni Thomas Luydens
†Giovanni Luydens
Gunther Luydens na Hulanda

Sobrinonan: Giovanni y Sharisma Boekboudt Maduro
Giandré y Karem Boekhoudt Rasmijn
Robertico Jeand'or
Glenmar Geerman y Kristy Werleman y fam.

Mama di su yiunan: Maria Vrolijk
Irena Croes

Padrino: Karel Jeand'or

Iha: Robertico Jeand'or
Glenmar Geerman
André Werleman
Zinha Flanegin
Ryan Kelly

Su primonan mas jega: Moonchi, Nene y Maria Werleman
y demas primo y primanan na Aruba y Kòrsou.

Bon amigonan: Andy y Wendy Kock Croes y fam.
Jeannot Bislick y Dyanna Agudelo y fam.
Leo y Zulayka Briesen-Winterdaal y fam.
Maikel y Anoushka Rasmijn-Vrolijk y fam.
Quito y Maricella Briesen-Kock y fam.
Jamil y Lumaiska Werleman-Farro y fam.
Sandra, Rowin, Chiki, Laba y Aleydis, Tico Henriquez, Guillermo
y demas amigonan

Amigonan di cas: Techí Briesen y fam.
Irma y †Juan Kock y fam.
Tom y Dina Croes y fam.
Urvin y Mary-Anne Croes-Werleman y fam.
Vera y Mai Werleman

Bon bisiñanan, comer y compeman
Staff y personal De Palm Tours
Y demas famia y conocinan


Nos ta pidi disculpa si nos por a lubida algun familiar di e defunto

Ta invita pa asisti na e acto di entierro cual lo tuma lugar
Diabierna 5 mei 2023 di 1:30or pa 4'or di atardi na Misa
Inmaculada Concepcion na Sta. Cruz.

Cremacio lo tuma lugar den seno familiar.

Na luga di flor preferibel un donation pa "Edmund Harms
Foundation".

Ta lamenta cu despues di entierro no por ricibi bishita na cas.



Dios a tira un bista den su jardin y a
topa un espacio bashi, Despues su Mirada
a pasa ariba tera y a mira bo cara cansa
El a pone su brasa rond di bo y a hibabo
pa bo por sosega. Esta bunita ta Dios su
jardin. E ta scohe solamente e mihor.

Nos ta anuncia fayecimento di:

Francisco Maduro
Mihor conosi como Pachi of Padu
Condecora como
"Lid in de orde van Oranje Nassau"
*20 september 1929 – †1 mei 2023

Na number di su:
Casa: †Clarita Maduro- Dania

Yiunan:
Maria Dijkhoff- Maduro y esposo Maikel Dijkhoff
y famia
Agustin (Segundo) Maduro y esposa Beatrix
"Betty" Maduro-Figaroa y famia
Bernadina (Ina) Maduro y famia
Eulogio (Luisito) Maduro y Esposa Maria Maduro-
Ras y famia
Lucia Arends-Maduro y esposo Robert (Roy)
Arends y famia
Monica Frans- Maduro y esposo Gino Frans y
famia
Carmen Maduro y famia

Nieto(a) nan: Sergio y esposa, Melisa y esposo,
Jeffrey y esposa, Francis y esposo
Darwin y esposa, Mariangela y esposo, Anthony
y esposa, Renita y esposo
Franklin, Marilou y esposo, Rosaelina y esposo,
Thais y prometido, Jeandira y yiu, Sidney y
esposa, Giovanni, Jordy y esposa, Kevin, Janice
y prometido

Ruman nan:
†Damian Adolfo Maduro
†Bernardo Maduro y esposa +Eduviga Maduro-
Willems y famia
†Nelly Maduro y esposo +Frans Maduro y famia
Victor (shon Can) Maduro y esposa Chenta
Maduro- Briezen y famia

Mihor amigo: Buchi Boekhoudt y demas amigo
nan di grupo di Caha di Orgel

Sua: Eloy Dania y esposa Sira Dania-Everon

Bisa Nieto (a) nan, Sua y cuña nan, subrino (a)
nan
Ayudante nan: Jeniffer, Emy, Maria, y Harms
Fundacion

Demas famianan: Maduro, Dania, Dijkhoff,
Figaroa, Jacobi, Ras, Arends, Frans, Macaay,
Boekhoudt, Hoek, Dañe, Henriquez, Oduber,
Kelly, Dirksz, Shaarbay, Rodriguez, Maxwell, Nicita

Nos disculpa si nos por a lubida un of otro famia
den nos tristeza

Ta invita pa e acto di entierro cu lo tuma lugar
diasabra 6 di mei 2023 na misa Inmaculada
Concepcion di 2'or pa 4'or atardi despues
saliendo pa Santana catolico na Sta Cruz

Condolencia lo tuma lugar na Aurora Funeral
Home Diabierna 05 di mei 2023 di 7'or pa 9'or di
anochi.

Lo tin un box disponible pa Stichting Edmond
Harms Fundacion

Despues di entierro NO lo ricibi bishita na cas.



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa frankil,
pa mi bolbe haña forsa".
Salmo: 23

Cu inmenso dolor na nos curason pero agradecido
y conforme cu e voluntad di Dios y hopi
agradecido pa e añanan cu ela pasa hunto cu nos
cu nos, nos ta anuncia fayecimento di nos mama,
wela, bisawela, tanta:

**Sra.vda. Olga Ester
Matos-Jimenez**
"Mamachi"
*23-03-1929 - †27-04-2023

Casa: †Antonio (Tony) Matos

Na number di su:
Yiunan:
Olga & Wolfgang Leidel-Matos y famia
Franklin & Jessy Matos-de Mey y famia
Edgard & Mena Matos-Maduro y famia
†Maikel Matos
Marlyn van Koppenhagen-Matos y famia
Alicia Matos y famia
Mayra & Jin Alvarez-Matos y famia

Rumannan na Colombia:
†Berta, †Roberto, †Pedro, †Luz,
†Alicia, †Carlos, †Amelia, †Cathalina

Amiga/ruman:
Elda Tromp-Kock y famia
Elvira Jimenez-Rivas y famia

Manera yiu:
Sita y William Alvarez-Obispa
Najibe Ramos
Arthur Parris y famia
Lourdes Odor y famia

Cuñanan:
†Lina Tromp y famia
†Lidia Lambertus-Matos y famia
†Viola Hoek-Matos y famia

Tur su sobрино y sobrina nan na Aruba, Colombia y
otro parti di mundo.

Mas pega na cas: Rubia Hoek, Dita Matos, Judith
Lopez

Nietonan: Dennis y Liseth Leidel-Gomez, Richard
Leidel y famia, Bryan Matos y Julissa Arends y
famia, Jason Matos y Josie Howell y famia, Anthony
y Joanne Matos-Kock y famia, Roxana y Henry
Arends-Matos y famia, July y Odwin Ridderstap-
Matos y famia, Ivan y Cathy Matos-Blackman
y famia, Michella y Gibi Croes-Matos y famia,
Michellene y Daky van Lennep-Obispa y famia,
Alexander van Koppenhagen, Anneloes van
Koppenhagen y Sebaas Romero, Joanne y Willem
Seferina-v/d Bergh y famia, Shanée Matos y Kiefer
Nicolaas y famia, Andre Cruz y yiu

Tur su bisnieto y bisnieta nan hopi stima
Su bon bisiñanan.

Demas famia:
Jimenez, Olivero, Matos, Leidel, de Mey, Maduro,
Obispa, van Koppenhagen, Alvarez, Wester, Tromp,
Lambertus, Hoek, Ras, Arciniega, Giel, Henriquez,
Triviño, Ibarra, Pantaleon, Esquirol

Ta invita pa acto di entierro cual lo tuma lugar na
Aurora Funeral Home **diasabra 6 di mei 2023** di
2'or pa 4'or di atardi. Despues lo sali pa Santana
Central Sabana Basora.
Nos disculpa si den nos tristesa nos por a lubida
algun number di famia of amistadnan.
Nos ta lamenta cu despues di entierro nos no lo por
ricibi bishita di condolencia na cas.



"Si e tene na Mi, lo Mi salb'é: lo Mi hals'é, si e tin respèt pa mi Nomer. Ora e yama Mi, lo Mi contest'é, den problema Mi ta huntu cu né, lo Mi Libr'é i colm'é cu honor. Mi ta pon'é disfrutá di un bida largo y lo lag'é contemplá mi salbashon."
Salmo 91:14-15-16

Cu gran tristesa, pero conforme cu Dios su voluntad, nos ta anuncia e fayecimento di:

Veneranda Francisca Thomas-Henriquez

Cariñosamente yama:
"Vende, Peetje, Wela"
*20-08-1938 - †28-04-2023

Na number di su:
Casa:
†Lucasio (Rudy)Thomas

Yuinan:
Raymond Thomas
†Suzanne (Suzy) Thomas

Manera yiuinan:
Ellery Croes
Daniela y Rudy Kelly y yuinan

Rumannan:
†Teresita y †Americo Jacobs y famia
†Angela Henriquez
†Jose y †Sira Henriquez y famia
†Cresencia y †Macario Henriquez y famia
†Mario Henriquez
†Luis Henriquez
Simeon y Milda Henriquez-Dijkhoff y yuinan
Cecilia Henriquez y yiu

Swa y cuñanan:
Rosa y †Martin Irausquin-Thomas
Ricardo Thomas y famia
Rita Thomas y famia
Rosendo Thomas y famia
Reina y †Isidro Maduro y famia
†Elvira Thomas y famia
Nelson y Lourdes (Rona) Thomas y famia

Sobrino y sobrinanan, primo y primanan, hijanan, amigo y amiganan di cas, ayudantenan.

Famianan:
Henriquez, Thomas, Jacobs, Lacle, Stede, Franken, Croes, Martina, Leonard, Makay, Mercelina, Cuarecuco, Naveda-Alvares, Werleman, St.Jago, Tromp, Colina, Orman, Boye, Cuan, Quant, Koevoets, Servinus, Gerritsen, Kartjodimedjo, Kelly, Irausquin, Maduro, Ragunath, Perez, Hoek, Akkari, Wever, Semeleer, Anthony, Nicolaas, Ras y demas famia den exterior.


Bisiñanan, comer y compernan y conocirnan

Nos ta pidi disculpa si nos por a lubida algun familiar di e defunto

Ta invita pa asisti na e acto di entierro cual lo tuma lugar **Diabierna 5 mei 2023** di 1or pa 4or di atardi na Aurora Funeral Home, despues saliendo pa Santana na Sabana Basora.

Ta lamenta cu despues di entierro no por ricibi bishita na cas.

Na luga di flor preferibel un donation pa "Koningin Wilhelmina Kanker Fonds".



Bin serka mi tur cu ta cansa y carga y lo mi duna boso sosiego eterno. Mateo 11:28

Cu honda pena pero conforme cu voluntad di Dios, rumannan ta anuncia fayecimento di:

Rudolf Benedicto Erasmus

Cariñosamente yama: "Rudi"
*7 maart 1958 +25 april 2023

Na number di su:
Mayornan:
†Rufina Erasmus-Boekhoudt
†Jacobus Erasmus

Rumannan:
Gustaaf Erasmus y famia
Lienchi Erasmus y famia
Judith Erasmus y famia
Freddie y Esther Erasmus y famia
Karina Erasmus & Gilbert Krozendijk y famia

Sobrino/sobrinanan:
Lindsey, Jeremy, Dianhdra, Garret, Eldwin, Jurrien, Clifford, Karen-Ann y Brandon

Tanta y Omonan:
Elsa Croes (Pepe), †Teofilo Boekhoudt, Sira y Juan Semeleer, Annie y Erwin Vis, Bettie y Casin Giel, Norma Erasmus, †Ita Erasmus, †Pedrito Erasmus, †Vicente Erasmus, †Elio Erasmus, † Juanita Erasmus

Su sobre sobrino y sobrinanan, primo y primanan, hijanan, y demas famia:
Erasmus, Boekhoudt, Briezen, Vrolijk, Howell, Tromp, de Kort, Krozendijk, Croes, Semeleer, Vis, Giel, Brete, Greaux, Bohorquez, Werdmuller von Elgg

Ta invita tur amigonan, conocirnan y ex-coleganan di Departamento di Labor pa asisti na e acto di entierro cu lo tuma lugar **Diabierna 5 di Mei 2023** na Aurora Funeral Home. E restonan mortal di Rudi lo ta reposa di 9or pa 11or di mainta na Aurora Funeral Home. Despues lo sali pa Santana Pastoor Kranwinkel na Paradera.

Ta lamenta cu despues di entierro lo no ricibi bishita di condolencia na cas.



My flesh and my heart may fail,
but God is the strength of my heart and my portion forever.
Ps. 73:26

Cu dolor inmenso na nos curazon pero conforme cu voluntad di Dios, nos ta anuncia fayecimento di:

Theodora Larez

mihor conoci como: "Chichi" of "Dudu"
*07-12-1940 †28-04-2023

Acto di entierro lo wordo anuncia despues.



Cu inmenso dolor y tristesa na nos curason, pero conforme cu e voluntad di Dios, nos ta anuncia e fayecimento di nos Mama, Wela, Bisawela, ruman y tanta stima:

Danilda Maria Roos

"Maritsa"
*06-12-1945 - †02-05-2023

Na number di su:
Mayornan:
†Simon Roos
†Pascuala Jimenez

Compañero di bida: Eric E. Oehlers

Yiunan:
Marlon & Jelitza Oehlers-Duarte Cordeiro
Mireya & Nelson Wever-Oehlers
†Jorge Oehlers

Manera yiu: Sharine Giel

Nieto(a)nan: Marsharl Oehlers & Stefhannie Lopez
Ashley & Julieth Oehlers-Vergara
Chelsea Oehlers
Stephen Wever
Sheilane Wever & Hugo Robert

Bisanieto(a)nan:
Achilles, Salvatore & Vidar Oehlers
Asher & Aitanah Oehlers

Ruman(nan):
Sobella & †Esy Dirksz-Roos
†Darinda Roos
Roberto & Jolanda Roos-Tromp
†Jaime & Lourdes Roos-Vrolijk
Milagros Roos
Sandra & Stanley Arends-Roos
†Michael & Eveline Roos-Nuboer & famia
Sahrina & Justo Lopez-Roos & famia
Rudy Roos
Nelson Roos & famia
Alex Roos & Marianne & famia
Magda & Anthony de Hasseth & famia

Manera un ruman: Ramiro & Andrea Tromp & famia

Sobrino(a)nan: Linda & Ronnie Zijlstra-Arends & famia, Elvis & Jackielline Arends-Maduro & famia, Shamila Dirksz, Remy Roos & Irisveth & famia, Sue-Laine Roos & famia, Jordani Roos, Jairo & Francis Roos & famia, Javier & Anouska Roos-Croeze y famia, Giovanni Figaroa, Jadir Roos & famia, Jair Roos & famia, Myrsheiny Roos.

Iha(nan): Roslyn Luidens
Raschyd Arends

Manera famia: Genoveva Koolman

Su mihor amiga(nan): Regina Luidens & Latta D'aguiar

Tur su primo(a)nan, amistadnan, bisinjanan y conocirnan

Demas famia: Roos, Oehlers, Wever, Arends, Dirksz, Giel, Lopez, Fradl, Zijlstra, Brokke.
Ta invita pa acto di entierro cual lo tuma lugar na Aurora Funeral Home **Diasabra 6 di mei 2023** di 9 or pa 11 or di mainta, despues lo sali pa Santana Central Sabana Basora.

Nos disculpa si den nos tristeza nos por a lubida algun number di famia of amistadnan.

Nos ta lamenta cu despues di entierro nos no lo ricibi bishita di condolencia na cas.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com